
EW NAMOPUNG

A forata ew Truk State Board of Land Surveyors Examiners me Registration of Surveyors, awora wisan me pochokunan me an angang, me pwan requirements ren an surveyors repwe register, me pwan ren ekkoch popun.

Epwe Pung me ren ewe Legislature-un ewe Muun Chuuk.

Tetten 1. Itemochun. Ei Annuk epwe iteni "Truk State Board of Land Surveyors Examiners and Surveyors Registration Act, forun 1984."

Tetten 2. Popun. Popunapen ei Annuk ren an epwe forata ew an Chuuk Board ren fan iten an epwe tongeni registereni ekkewe land surveyors ren an epwe tongeni fat sokurion me maapen fonu me ren ekkewe chon sokurioni me maapeni fonuwen Muun ren ar repwe wisen anenetata me affata met ra pusin eani angang.

Tetten 3. Awewen Foos. Non ar nounou non ei Annuk, chionoon chok ika mei pwan sakkono nounoun me awewen me ren ei annuk, ei kapas:

- 1) "Board", a wewengeni ewe State Board of Land Surveyors Examiners.
- 2) "Chairman", a wewengeni ewe Chairman non ewe Board.
- 3) "Members", a wewengeni ekkewe members won ewe Board ra wesewesen finita.
- 4) "Registrant", a wewengeni ion aramas mei aunusa ekkewe requirements fan affatan non ei Annuk, pwan unusen register an emon a Professional Registered Land Surveyor fan pungun ei Annuk. Emon Registerant a wewengeni chon fori ika mochen fori angangen sokurio me makei fonu, non pungun wewen me popun ei Annuk, ika pwe e:
 - a) Practice ika fori sokurion fonu; ika
 - b) Non kapas ika makken esinesin, sain ika noun taropwe mei mak itan won, noun cards, ika ese nifinifin an epwe pwarata pwe i-a emon chon sokurio ika land surveyor, ika seni pwan ekkoch sakkun it ren

wisan-we epwe pwarata pwe i mei foffori ewe sakkun
 angang ika sinenapen angang; ika

c) Pwarata non pusin an foffor pwe i mei tongeni
 me sinei angangen ewe angang, ika i mei pusin fori
 angangen sokurio ika sakkun angangen ewe wiis ika
 foffor ren sokurio ika fori ekkoch sakkun angang mei
 pusin fat pwe sokurio

5) "Land Surveyor", a wewengeni emon land surveyor mei
 registered, non wesewesen me pungun wewen me ren ei Annuk.

6) "Practice-ne Sokurio", a wewengeni ewe chon practice
 angangen sokurio non pungun wewen me ren ei Annuk, non pekin
 Muun ika private, ika ion e fori ika mochen epwe fori ekkei
 angang:

a) Locate-ini, relocate-ini, establish-ini, re-estab-
 lishini ika kutasefani kianin fonu ika kianin neni, och
 aan, right of way, fonu mei aea, mei reserve ika ekkena
 sakkun mettoch;

b) Fori sokurion kinikini fonu ika kinikini-sefanin
 fonu;

c) Non mwokutun angangen sokurion fonu, kutta ika
 fori nenien mwoong ika esisinen kianin fonu, pwokuku fonu,
 pwan set-ini, ika set-ini-sefani, ika eneniasefani ika
 siwinisefani ekkewe kianin me esisinen kianin fonu;

d) Kutta pungun napanapen me ititin ika ununun won
 fonu ika pun, are nenian ekkewe mettoch mei nomw won ewe
 fonu ika pun, ren an epwe measure-ini ika auku line-in
 me pwokukun ika wenecharen erierin me ititin fonu, fiti
 pungun aukuk;

e) Fori angang me kutten wenecharen kinikinin me
 line-in mettoch ren fonu ika sokurioni fonu non ena nap-
 anapen kutten aukuk;

f) Kutta me tongeni auku kia ika aukuuk mei nomw non
 mapen fonu, ika taropwen fonu angangan mei usun ew ika

ekkoeh ekkewe mei affat asan ren an epwe affata me nomw non records;

g) Affata non sakkun napanap, met ukukun an tufich me tongeni ne fori ewe sakkun angang ren ewe wiis "Chon Sokurio", ika met sakkun affaten ewe wiis ika title, an epwe affata pwe i mei practice ika mochen practice angangen sokurio non keangen ewe angangen pekin sokurio;

h) Fori kooten me taropwen mwokutun ewe angangen sokurio fonu fan itan ika iten ekkoeh;

i) Tumunu, nemeni, ika amwokutu non tettenin emon chon nemeni ika manager, nemenian ika aan, emon agent, nenien angangen sokurio, ika ia angangen sokurio mei kakawor me ia.

Tetten 4. Forutan Board me an Pochokun.

1) Iei a foruta ew Board of Land Surveyors Examiners non Chuuk, chon epwe ukukun nimmon(5), ruomon me neir repwe ir chon sokurio. Chon ewe Board repwe finita me ren ewe Kepina fiti kapungunon me ren ewe Legislature. Meininis ekkewe ra finita repwe ier 25 ika napseni, pwan emon me emon neir epwe wor an experience non ukukun wonu(6) ier non pekin ew neir ekkei, ren, land surveying, civil engineering, law, ika ekkei sakkun sinenap. Ir repwe finita ngeni ewe wiis non ukukun ruwanu ier, nge ruomon ekkewe mei akkomwen fin repwe ruwanu ier ar wiis, emon epwe unungat ier an wis, emon epwe ruu ier an wiis, pwan emon epwe ew ier an wiis.

2) Ewe Kepina, fiti tipeewin ewe Legislature, mei tongeni atou emon monun ewe Board ren fofforungaw non angang, ese tongeni fori angangen wisan-we ren an ese sine, tunano wisan, ika pwan ekkoeh weweoehun popun, NGE, katoun emon epwe tongeni pwan amwet ngeni ewe kapung mei wor an puung me pochokun won ewe kinikinin neni. Wiis mei ponuno epwe pwan chok ammasou non napanapan an fin usun mei affat non Tetten 4(1) me non ei Annuk.

3) Chon ewe Board repwe fori angangen wiser kewe nge resap pwan kamo, iwe repwe pwan achocho ngeni ar repwe fori

angangen wiser kewe fansoun kunokun angang.

4) Ekkewe Ofesin Land Commission, me Land Management repwe awora ngeni ewe Board met aninnisin angangen pekin ofes me seketeri, fongon me awora ngeni ekkewe sakkun staff ika chon angang ren ekkewe pekin angangen ofes me seketeri, pwan pisekin me nenien ahangang ren ofes me sakkun facilities, me pwan met ewe Board epwe pwan tongeni need senir.

5) Ewe Board iei a mumuta an epwe pusin fori noun rules me regulations mei auchea ren mwokutun me angangen wisan kewe.

6) Ewe Board epwe mwiich non atun me neni mei affat me ren noun rule, nge epwe chok wor an mwiichenap, epwe fan ruu non ew ier. Ewe Chairman mei pwan tongeni akkou mwiich atapwanapwan nupwen mei auchea. Non mwiich meinisin epwe wor ukukun unumon(3) chon mwiich mei nomw iwe a tongeni fiis mwiich, pwan tipeewin unumon(3) monun won och puung non ar mwiich a tongeni efisi ew puung.

7) Ewe Board epwe tumunu me awora record-un meinisin applications ren registration-un chon repwe chon sokurio, fongon me an ewe Board decision, epwe pwan iteiten ier, non December awora ika fori list-in iten me address-in meinisin chon sokurio ra register an epwe katonong non taropwen einet fetan ika puk. Echo kapin ewe list epwe titino ngeni ekkewe chok ra registered me meinisin ofes non Chuuk.

8) Ewe Board epwe awora echo repotun ier ren mwokutukutun an angang non ew ier, iwe a no-ngeni ewe Kepina me ewe Legislature non ewe amuchunon ranin ewe calendar year. Ewe repot epwe pwan makenong non ewe State Land Gazette won ewe taropwe mei katou murin chok ewe ier mei weneiti.

Tetten 5. Registration-un Chon Sokurio; Procedure-un;

Qualifications me Exemptions.

1) Esap wor emon aramas epwe practice ika offer an epwe practice angangen sokurio, ika fori ren fan itan, ika fen fori are anapanapa, ika advertise-ini och title ika iit, ika esinisin ren an epwe pwarata pwe i emon chon sokurio, chinoon chok ika ena aramas mei qualified ren ewe angang pokiten mei

registered an epwe emon chon sokurio, ika kepichino fan pungun ei Annuk.

2) Emon aramas epwe nomw non tettenin a practice sokurio ika offer an epwe practice ewe angang non pungun wewen ei Annuk, ika pwe i a practice land surveying ika sokurio ika ion non pusin an foos, ika taropwen claim, ika esisin, ika pekin advertise, ika noun chon taropwe mei impwang won ika wor letterhead won, noun card ika ese pwan nifinifin anen an epwe pwarata pusin an i a emon land surveyor ika chon sokurio, ika fan mwokutun ekkoch mettochun esinesin ika title mei pwarata pwe i emon chon sokurio, ika mei tongeni fori angangen sokurio ika pwan ekkoch angang pusin ota-an non an emon chon sokurio ika non an sin-neno pwe i emon ewe sakkun aramas.

3) Esap wor aramas epwe tufichin ika eligible ngeni an epwe register an epwe emon Land Surveyor ika chon sokurio fan pungun ai Annuk, chinoon chok ika i mei:

- a) Wesewesen emon resident-in Chuuk;
- b) Ier 25 ika nap seni;
- c) Mei eoch manawan me emon aramas murinno;
- d) Mei wor ren ekkewe qualifications ren ewe wiis, mei affat me ren ei Annuk; ika
- e) Kepichino me ren ika fan pungun Tetten 6 me non ei Annuk.

4) Ekkei a tettenitiw epwe ina mettochun pwarata epwe naaf ngeni ewe Board an ewe applicant mei qualify an epwe register ngeni an epwe emon Land Surveyor ika chon sokurio:

- a) Sochungio seni University, College, Institute ika sukun mei approved me ren ewe Board pwe mei eochun fiti pwan pachenong awesi sukunen sokurio, me pwan tichikin record-un an a fen wor an experience non ukukun ruu (2) ier non angangen sokurio mei napenapeoch ngeni tipen ewe Board, pwan pwarata pwe ewe applicant mei tufich me sinenap non angangen sokurio pwan pasini ewe examination

ika test-in chon repwe tongeni aani ewe angang ren sokurio; ika

b) Och rekotun wonu(6), ika nap seni, an experience non angangen sokurio ika land surveying non aukukun ewe Board mei tipeni, pwan pwarata pwe ewe applicant mei tufich me sinenap pwan naaf an epwe practice land surveying ika sokurio pwan awesi ika pasini ewe test ika examination non kapas mei katou me for me ren ewe Board; ika

c) Och rekotun wanu(8) ierin experience ika nap seni an practice pekin land surveying ika sokurio non aukukun me napanapan mei fiti tipen ewe Board, pwan pwarataan pwe ewe applicant mei tufich me tongeni pwan naaf an epwe practice land surveying ika sokurio pwan piin awesi ewe examination mei kawor me ren ewe Board, nge ewe wanu(8) ier, ierin experience non angangen sokurio mei fis non chounoon chok wanu ier, ika seni ewe 1974.

5) Nōn kутten me aukukun kутten qualifications ren applicant non pekin experience usun a affat non Tetten 5(4) me non ei Annuk; ekkei a tettenitiw mei tongeni pwan tettenin experience me qualifications:

a) Sense non pekin land surveying ika sokurio non ew University, College ika sukun mei approved me ren ewe Board pwe mei eoch ika tekia;

b) Mei training ika fiti ewe pekin sounfiu an United States non pekin civil engineering, ika land surveying ika sokurio; me

c) Awesi non pungun aukukun, ew ier non sukun ika College mei punguno me ren ewe Board pwe mei tekia pwan eoch, nge esemwo sochungio, epwe aukuk ngeni ew ier experience fan pungun Tetten 5(4)(b) ika (c) me non ei Annuk.

Sochungio me non ewe sakkun pekin kaeo ika cirriculum mei sakkono seni pekin sokkurio me non ew college ika University mei sin me ren ewe Board epwe tongeni pwan nomw non tettenin ruu(2) ierin experience fan pungun me wewen me ren ei Annuk; NGE emon applicant esap tongeni angei credit ren nap seni ruwanu(4) ierin experience pokiten an qualifications ren an sukun non tettenin undergraduate.

6) Ewe Board mei tongeni atou ika issue echo certificate of registration an emon aramas a emonchon sokurio, inamwo ika esepwan wor oral ika written examination ngeni emon aramas a fen wor noun certification of registration, ika ena aukukun angeoch, mei katou me ren ew state, territory ika neni mei nomw fan hemenian ewe Muun United States, ika ew pwan country ika fonu me nukun, nge an ewe applicant's qualifications mei pung ngeni pungun ei Annuk. Application ren pekin registration epwe nomw non echo taropwe ika form forien me, mei katou me ren ewe Board, epwe:

a) Affata me finata registration e apply ngeni;

b) Pwarata an ewe applicant sukun me education pwan tichikin me ukukun an angangen pekin sokurio;

c) Awora esap kisiseni unucho taropwen reference, ika taropwen apochokuna me pwarata me ren ion aramas, ruomon me neir ir mei wewengeni me sinei ukukun an angang; pwan

d) Awora pwan ekkoch sakkun information ewe Board e pwan mochen me mefaata.

7) Meinsin application mei katonong epwe fiti ewe application fee ika niwinin taropwe ukukun \$15,00. Ei moni esap tongeni epwe refund ika niwinsefan.

8) Nupwen fansoun epwe wor oral me written examination, epwe fis non atun me neni epwe affat me ren ewe Board.

Meinisin examinations epwe for me ren ewe Board, fiti met ei Annuk a mochen, iwe masowen non epwe kawor me for ren an epwe tongeni fat me pwa ukukun tongenien emon non pekin land surveying ika sokurio: Meinisin examinations epwe apachanong non kapaser porausen ekkewe annukun chon wiseni me aani ewe sakkun angang ika "Professional ethics" me masowen ei Annuk. Ekkewe exam, me nukun ekkewe ekkoch mettoch, epwe pwan awora non ekkewe rules me procedures ren angangen sokurion fonuwen Muun usun a affat non ewe Manual of Surveying Instructions forien ewe Bureau of Land Management non ewe United States Department of Interior, me pwan non ewe Manual of Surveying Instructions mei katou me ren ewe Division of Lands and Surveys non Trust Territory.

9) Ewe Board epwe issue Certification of Registration ngeni ion mei apply ren an epwe register an epwe emon land surveyor ika chon sokurio, ika pwe a monatiw ewe application fee me ewe registration fee, pwan awesi meinisin me for ekkewe requirements mei affat me ren ei Annuk. Certificates epwe affat iten ewe applicant ika chon register, epwe pwan wor an serial number pwan sain me ren ewe Chairman me Seketerin ewe Board, fiti pwan ewe seal ika impwang an ewe Board. Ewe Certificate-in chon sokurio ika land surveying epwe mutata an emon epwe tongeni fori ika practice land surveying ika angangen sokurio. Ewe Certificate of Registration, mei katou me ren ewe Board epwe "prima facie" evidence ika enletin pisek-in pwarata pwe ewe aramas mei nomw itan non a emon registered land surveyor, mei entitle ngeni meinisin rights me privileges non an a emon chon sokurio me registered, iwe ena certificate esap tongeni katano ika pwan expired, ika esap tongeni epwe revoke ika expire.

10) Certificates of registration epwe expire ika much manamanan won ewe amuchunoon ranin December murin unungatin

ier seni an katou ika forsefan ika renew, iwe epwe invalid ika namotongaw nesoponon ena ran chinoon chok ika e renew ika forsefan. Epwe wisen ewe Board an epwe esinei ngeni iteiten aramas mei register fan pungun ei Annuk fansoun an expire nour kewe certificates of registration me pwan ewe ukukun fee ika niwinin ar repwe register sefan ika renewal. Ekkena notices ika taropwen esinesin epwe mailed ngenir esap mang seni ewe aewin weeken December non ewe ier a weneiti. Renewal ika forsefanin ekkewe certificates mei tongeni for ese nifinifin non ranin ewe maramen December, fiti kamotiwen ewe ukkukun \$15,00 fees ren renewal ika forsefan. Tumunungawen ewe chon sokurio ika registrant an ese forsefani noun we certificate murin an a expire non ewe maramen December non ewe ier mei weneiti esap ew mettochun pinei ika eppetiti an we right ika tufich an epwe renew-ni noun we certificate, nge ika ewe fee ren renewal ika forsefani e mang ne kamoitw me murin ewe maramen December, iwe epwene napeno won ew chana (\$1.00) ew maram ika na-fituwen ew maram ren an mangeno, NGE, ne-watenoon ewe fee ren an mang ne kamonatiw esap nap seni \$10.00. Tumunungawen ewe Board an ese esinengeni ewe chon mochen register ika ewe chon sokurio fansoun an epwe expire noun we certificate me ewe renewal fee, esap ewe popun an epwe tongeni anangatamano fansoun ewe registration-un certificate.

11) Meinisin chon repwe register ika chon sokurio mei tongeni, nupwen a tou ngenir nour kewe certificate-in registration pusin kutta och ar seal epwe fiti met napanapan mei affat me ren ewe Board, epwe affatatiw iten ewe chon sokurio ika chon regisger, fongon me ei ititin kapas, "Registered Land Surveyor", ika met mei tufich, iwe epwe pwan awora neni-en ewe nampa ika serial number me ewe pwinin maram epwe expire non ren ewe certificate of registration. Plans me specifications ika plats ika maap ika sasingin me chungan ika reports an ewe chok sokurio ika registrant epwe sitam won ren met stam mei wor nupwen epwe file non ewe Muun Chuuk non ewe

fansoun registration, iwe epwe pwan affata ewe serial number ika nampan ewe registration fongon me pwinin maramen an expire. Epwe ew tettenin tipis kukkun ika misdemeanor, tipis-in epwe kanopus esap napseni onu(6) maram, ika paking won esap napseni \$1,000, ika ir me ruu, an emon epwe sitameni ika seal-ini echo taropwe ika document ngeni ekkewe seal me stamps, murin expre-in ewe certificate of registration, ika murin an a fen revoke ika katano, chinoon chok ika ewe certificate a pwan renewed ika forsefan pwan katousefan.

12) Ewe Board epwe wisen nomw ren ewe pochokun ika power pwan ani angang me puung an epwe chosani taan ei Annuk iwe mei tongeni suspend-ini ika revoke-ei echo certificate of registration ika pwe mei fis ekkei:

a) Ewe chon sokurio mei for an angangen sokurio ika practice land surveying nge mei atai pungun ei Annuk; ika

b) Ewe certification of registration mei wor ren ewe chon sokurio ika surveyor non esemen pung newon ika non napanap mei atai annuk ren mwakeneta maken non me ekkewe napanapen kuttan me kaworen, ika nounou mwan nge ese ururun epwe wenengeni echo;

c) Ewe certificate of registration a nomw ren ewe aramas pokiten an bribe-ini chon atou ika ren mooni an epwe for noun-we certificate, chinoon chok ren kamon ewe fee mei affat me ren ei Annuk;

d) Ewe chon sokurio ika registrant e pwomweni me apuru emon aramas ne forano pwe i ewe mei wor noun certificate ika mei registered, ika emon mei piin eani ewe sakkun angang me mwan, ika fori angangen sokurio ika practice land surveying non iten emon nge esap wesetan iwe itan me pungun itan;

e) Ewe chon sokurio ika registrant mei piin tipis non tipis tekia a feito seni angangen me fori angangen sokurio, ika och tipis mei fis seni fofforongaw ika napanap mei mwan me ese pung ngeni pungun mwokutun aramas,

ena rekotun tipis ika kapin taropwen ewe tipis epwe fis pwe pwaratan ewe fofforungaw;

f) Ewe chon sokurio ika registrant mei atai och masowan ei Annuk;

g) Ewe registrant ika chon sokurio mei anisi me pesei an.emon epwe fori angangen sokurio ika practice survey nge esemwo mumuta me wor noun taropwen me certificate-in practice sokurio, chinoon chok ren met mei kepichino me ren ei Annuk;

h) Ewe registrant ika chon sokurio a piin tipis non tipisin amwani me mwakeneta taropwen an angangen sokurio me tunano ika ese tongeni fori wisan, fofforungaw non ofes ika non fansoun angangen wisan land surveying ika sokurio fonu; ika

i) Ewe registrant ika chon sokurio e mutata an we seal an epwe impwangei ika stamp won maaf me sasing ika nios esap forian ika ese for fan an tumun me nemenem, ika fan mesan ion a finata an epwe wisen tupun ika noun chon angang ika kisin non wisan-we.

13) Angangen kapung fan pungun ei Annuk mei tongeni fis seni an emon aramas complain ika an ewe Board. Meininis kapasen aturu ika atoura ngeni kapung epwe nomw non mak me taropwe pwan wor pwan won me ren ewe chon complain. Meininis katur ika charge mei for chinoon chok ika mei koturuno me ren ewe Board pokiten esepung, me mwanin popun, epwe kapung me ren ewe Board non ewe kunok me nenien hearing epwe for me ren ewe Board, iwe kapin ewe kotur ika charge fongon me taropwen esinesin ren ewe hearing epwe no-ngeni ewe e nomw non ewe kotur epwe wesewesen keitinong nepoun me ren chon serve-ini ewe taropwen esinesinen hearing, ika mail ngeni non nenian-we non ewe minefoon address, non ukukun 30 ran me mwen ewe hearing epwe suuk. Non fansoun ewe hearing, ewe registrant ika ewe a nomw non ewe taropwen kotur epwe pusin nomw ika appear, fongon me noun chon penni, ika chon anisi, epwe pwan tongeni anini ngeni me kapas eis ngeni ewe e wisen pwarata me pwan tongeni awora noun witness ika chon pwarata fan itan ren pekin

an defense.

14) Ewe Board, non pusin an mefi, mei pwan tongeni atoou echo certificate of registration ngeni emon aramas noun certificate a fen piin revoke ika katano, ika pwe majority-in chon ewe Board ia tipeew ngeni non ar fout pwe epwene pwan katou sefan echo certificate of registration ngeni ewe aramas. Echo minefon certificate of registration mei pwan tongeni katou ngeni emon aramas noun certificate a fen revoke, poutuno, ta, kamw, ika fen met sakkun e fis ngeni, fan pungun annukun me rules an ewe Board me pwan ika a kamotiw ewe ukukun fee won \$10.00

15) Angangen sokurio ika practice of land surveying mei tongeni fis me ren chon angangen ew sopai, partnership, ika corporation mei fori angangen construction, ika fori och sakkun angangen manufacturing, ika pekin transportation, distribution ika communications ika pwe ewe angangen sokurio mei fis angangan mei for me pwak me ren ika fan tumunuwen me nemenien emon land surveyor mei aani ewe angang ika wiis, ika emon mei registered fan pungun ei Annuk.

Angangen sokurio ika practice of land surveying fan iten public, usun a awewe non ei Annuk, me ren emon me emon aramas mei registered fan pungun ei Annuk, non an fis me ren ew corporation i mei choni ren an emon nouwis non, ika chon angang non, ika fen emon agent-in ewe sopai, mei mumuta an epwe fori ewe angang fiti pungun kapasen ei Annuk, ika pwe ekkewe aramas mei fiti me wisen fori ewe angang ir wesewesen chon sokurio ika land surveyors mei registered fan pungun ei Annuk, ika ir ekkoch mei tufichin fori ewe angangen sokurio fan pungun Annuk. Ika pwe ei napanap e fis me ren ew corporation e keran chok foruta me murin poputan pochokunen ei Annuk, epwe nap-engeni officers me directors non ewe corporation ika fen nour-we president epwe ir wesewesen registered land surveyors, pwan ewe corporation pusin mei fen pwan wor noun certificate of authorization me ren ewe Board usun mei affat me ren ei Annuk. Ewe corporation mei mochen epwe nounou certificate of authorization epwe file-ini an tungor ngeni ewe Board ren noun application, non ewe form ika taropwen tungor mei kawor me ren pusin ewe Board, non ena application ika taropwen tungor epwe atetenatiw ika affatatiw iten

me address-in ekkewe officers me board members non ewe corporation, me pwan iten me address-in emon me emon ir mei registered ar repwe practice land surveying ika for angangen sokurion fonu, pwan ir ekkewe repwe wisen responsible ika in-charge won ewe angangen sokurio an ewe corporation, me pwan met sakkun information mei wor tungorun me ren ewe Board. Ukkukun \$25.00 application fee epwe katonong fiti ewe application noun ewe corporation ren ewe tungorun certificate of authorization. Ewe chok pwan form, pwan ekkewe meinisin information mei kawor non ewe aewin application epwe pwan chok kawor, fongon me pwan ukukun \$10.00 ren renew-un me forsefanin echo pwan ewe sakkun certificate of authorization. Nupwen epwe wor ekkesiwin ren ekkewe aramas ir mei angang non ewe corporation ren pekin sokurio non ewe ier mei wor manamanan ewe certificate non, ewe corporation epwe pwan file-ini non chok pwan ewe sakkun form ren ewe Board porausen ewe change ika ekkesiwinin chon angang, nefinen 30 ran me murin a fis ewe ekkesiwin. Ika meinisin ekkewe requirements mei foruta me ren ei Board a fis ika tawe me ren ewe corporation, iwe ewe Board a pwan tongeni atou echo noun certificate of authorization. Esap wor corporation mei fen mumuta an epwe practice land surveying ika sokurio fonu fan pungun ei Annuk epwe tongeni pichino seni tipis in fofforungawen me napanapengawen noun chon angang, noun agents, ika officers pokiten an fori pungun ei Annuk, esap pwan wor registered land surveyors epwe tongeni pwan pichino seni met fofforungawen me napanapengawen angangen sokurio pokiten i mei nomw ika angang nonewe corporation. Meinisin taropwen niosun me chungan ika maapen me pwan sakkun plans ika specifications, plats, ika reports ika pwan met sakkun papers ika documents mei for fan iten angangen sokurio fonu ika land surveying, me kawor me kapunguno ren fan iten ewe corporation, ika ren an ewe corporation epwe tinano ngeni emon aramas, ika ren fan iten public record, epwe wor pwinin maram non, pwan ewe signature me ewe seal an ewe registered land surveyor e wisen fori me apungano.

Tetten 6. Kepichinon. Ekkei tettenin aramas mei affat fan repwe kepichino seni pochokunen ei Annuk:

- 1) Emon aramas esap i resident-in non Chuuk, ika ese wor nenien an we business non Chuuk, i mei practice ika mochen epwe practice angangen sokurio ika land surveying non Chuuk

nge an we angangen sokurio ika land survey practice non un-
 usan esemwo nangatam seni inik(30) ran non unusen ew ier; nge
 i ewe aramas mei fen emon mei tufich fan pungun annuk me seni
 an mei register an epwe practice angangen sokurio non Chuuk
 ika och kinikinin Chuuk ika mei resident non, pwan non ewe
 neni aukukun me requirements me qualifications ren an epwe
 angei noun certificate of registration ese kukkun seni ekkewe
 mei affat non ei Annuk.

2) Emon aramas esap i emon resident non Chuuk, ese pwan
 wor nenian an we business non Chuuk, ika i a fen emon resident
 non Chuuk, pwan practice ika mochen practice land surveying
 ika sokurio non Chuuk non nangatamen nap seni inik(30) ran
 non unusen ewe ier, pwan ika i mei file-ini noun application
 ren noun certificate of registration ren ewe Board pwan moni
 ewe fee, ewe kepichino epwe sopolopono tori nangataman ewe Board
 epwe pusin finata ren an epwe tongeni angang won ewe applica-
 tion ren registration, IKA PWE ewe aramas mei qualify fan pung-
 un Annuk an epwe practice land surveying ika sokurio non Chuuk
 ika ikeweie a resident ie, pwan ikeweie requirements me
 qualifications ren an epwe angei noun certificate ese kukkun
 seni ekkewe mei affat non ei Annuk.

3) Emon chon angang ika kisin ion mei wor noun certificate
 of registration fan pungun ei Annuk, ika emon chon angang ika
 emon mei kepichino seni ewe Annukun registration non ei Annuk;
 NGE an ei sakkun aramas angang ese pwan pachenong forum me
 forano designs ika sasingin me chungaan ika awora decisions
 pwan i mei nomw fan nemenien emon mei wor noun certificate of
 registration fan pungun ei Annuk.

4) Officers, chon angang, ika members non ewe Armed
 Forces ika non Sounfiun Merika ika United States, ika ar kewe
 angangen sokurio mei chok aukuk ngeni met mei mumuta me ren
 ewe pekin Sounfiu.

5) Angangen me practice-in och sakkun pwan angang me nukun
 angangen sokurio ika land surveying.

Tetten 7. Register-un Chon Sokurio ika Land Surveyors.

1) Ewe Board epwe rekotuni non puk an epwe isois fan iten pekin sokurio, epwe pwan iteni "Register of Land Surveyors", iten me address-in meinisins registered land surveyors, fongon me tichikin met information me pwinin maramen inet ra qualify nupwen ra registered me ren ewe Board of Land Surveying Examiners. Meinisins it mei katonong non ewe Register epwe sain me ren ewe Chairman-un ewe Board. Kapin ewe it mei katonong non ewe Register, ren an epwe sain me ren ewe Chairman non ewe Board epwe ew ennetin pisekin pwarata ika prima facie evidence ngeni me ren ewe aramas mei mak itan pwe i a emon registered land surveyor.


2) Ewe register epwe suuk ngeni public nupwen epwe wor inspection ika katon ren cheki me ren ion mei mochen kuna ewe register. Ewe register epwe chok foffor met mei ekkesiwin me non iteiten fansoun ren an epwe chok updated iteiten fansoun me ren ewe Chairman non ewe Board.

Tetten 8. Ioon chon nouni echo certificate of registration mei katou ngeni fan pungun Itenap 31 me non ewe Trust Territory Code, iei a katano, mei expired ika muchuno manamanan ika pochokunan non ewe December, 1981, i emon wesetan resident non Chuuk non ewe fansoun a poputa pochokunen ei Annuk, nupwen a kamotiw ewe niwinin forsefanin me renewal fee ren noun we certificate, ika ewe renewal fee mei affat me ren ewe Annuk a katano, epwe pwan katou ngeni echo certificate of registration pwan entitle ngeni meinisins sakkopaten rights me privilege mei wor ren me ngeni registered land surveyors fan pungun ei Annuk nupwen ewe certificate mei chok pochokun ika esemwo revoked ika esemwo expired.


Tetten 9. Katano. Ei Annuk a ataeno manamanan Itenap 31 me non Sopun 1, Kinikinin-Sopun I tori VI me non ewe Trust Territory Code fongon me met ekkesiwin mei fis ngeni.

Tetten 10. Poputan Pochokunan. Ei Namopung epwe poputa pochokunan fansoun an a kapunguno me ren ewe Kepina, ika fansoun an a pusin winiti Annuk won pusin winikapan.

Sain seni:


Simeon Innocenti, Speaker
Truk State Legislature


Annetata:


Datasi Albert
Legislative Chief Clerk
Truk State Legislature

Pwinin maram:

June 25, 1984

A Kapunguno seni:


Erhart Aten, Governor
Truk State Government

Pwinin maram:

July 9, 1984